

Wien, Österreichische Nationalbibliothek (ÖNB), Cod. 1836

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

2941

L I T U R G I C I .

2942

Monumenta, maxime *Rubricarum*
ergo, olim lucem adspiciat.

DCCCXII.

¹⁶⁸ Codex membraneus lat. Sec. XV. Folior. 107. f. per duas columnas eleganter exaratus et rubricis distinctus est *Liber ritualis Ecclesiae Pataviensis* Praesule *Leonardo de Layming*, qui ab anno 1423. usque ad annum 1451. sedem occupavit. Eruitur hoc ex Formulis f. 56. p. 2. quibus Presbyteri recens ordinati preces fundere jubentur: *Signanter tamen orabitis pro dyocezano nostro Leonardo pastore et gubernatore Ecclesie Patauiensis &c.* Etiam orabitis pro Serenissimo Rege nostro Romanorum Rege Sigismundo &c. Signanter orabitis pro Illustrissimo duce Alberto duce Austriae. et pro alijs omnibus ducibus Austriae Stirie Karinthie &c. Initium Codicis facit *Elenchus miniatius Rituum et Benedictionum.* Fol. 10. p. 2. in *Litaniis majoribus* invocantur etiam tutelares Ecclesiae *Valentinus et Maximilianus.* A fol. 96. calamo currenti usus est Librarius, et posthac in *Consecratione Episcopi* f. 97. p. 2. notari meretur interrogatio: *Vis sancte Salzburgensi ecclesie videlicet metropolitane tue debitam subiectionem et obedientiam exhibere?* Resp. *Volo.* Formulam hanc *Rituali rursus insertam fuisse autem post Bullam Martini V. anni 1423.* mira instabilitate revocatoriam Exemptionis a se et antecessoribus suis Sedi Patavieni

concessae, neque adeo fortassis invito *Leonardo*, ut qui infulas *Eberardo Salisburgense* deberet, in cuius arbitrium Partes consenserant. Vide hac de re *Marcii Hanszii Germ. Sacr. T. I. p. 504.* ubi deinceps p. 538. Codicis etiam nostri mentionem habes.

Praetexta est illi membrana continens mandatum a *Wolfg. de Lytschaw* et *Thoma Zech* presbyteris datum *Henrico Stephano* et *Wilbelmo scriptoribus Cancelariae Episc. Patav.* ad petendam iis et eorum nomine a *Leonardo* Ep. institutionem et investituram, nomine quidem *Wolfgangi* ad Paroeciam *S. Margaretae in Haydenreichstein* a *Friderico Rom. Regge Duce Austriae* jure Patronatus praesentati; nomine vero *Thomae ad Paroeciam S. Joh. Bapt.* in *Seyfrids* a *Michaele Plebano* in *Lytschaw* Patrono illius Ecclesiae nominati. Datum a. 1447. *Indict. X. Die 4. Febr.* Nomina testium erasa sunt. Signum Notarii *Erbardi de Asparn.*

DCCCXIII.

Codex membraneus lat. Sec. ⁴⁰³ XII. Folior. nunc 79. 4. charactere sat minuto, multisque rubricis distincto *Liturgicus* est, hisque praecipuis constat Partibus: I. *Calendario ecclesiastico - astromomico*, quod non modo ad quemvis diem multorum *Sandorum* Nomina, sed plerumque verba etiam initialia *Missarum* de iis celebrandarum exhibit, Solis item Lunaeque motus, Cycli, Epa-

Wien, Österreichische Nationalbibliothek (ÖNB), Cod. 1836

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

2943

C O D I C E S

2944

Epaetiarum, Festorumque mobilium notiones et regulas. Ad cuiusvis *Mensis* calcem de ejus nomine ex antiquitate *Romana* differitur additis etiam *Poetarum* lo-

cis. Occurrunt et alia ad singulos paene *Menses*. Ita ad *Januarium* brevis institutio de *Festo Epiphaniae*, et versus de *D. Paulo converso*:

*Paulus gesta loquens socios sibi lumina dudum
Conspexitse suos. uocem tamen auribus illam
Non bausisse refert &c.*

qui nec *Aratoris*, nec *Damasi*, nec *Prudentii* sunt. Ad *Februarium* origo *Festi Purificationis*. Ad *Majum* *Methodus* quaedam superstitionis evadendi omnia pericula &c. Adhaeret *Tabula de Septuagesima, Paschate et Adventu* celebrandis, brevis item *Catechesis de Oratione Dominica, Confessione, principalibus Vitiis, septem Modis peccata purgandi, octo Beatitudinibus, de Avaris e Gregorio M. Testimonia de Poenitentia Salomonis, XV. Signa totidem dierum ante extremum Iudicium, quae Hieronymo tribuntur, Responsa Nicolai P. de Presbytero uxorato et adultero.*

II. fol. 9. sequitur *Missale* non alia inscriptione, quam: *In natali plurimorum patriarcharum. Oratio. Deus qui in opere abrabe famuli tui humano generi obedientie exempla prebuisti. concede nobis omnium patriarcharum precibus ac meritis. et nostre prauitatis uoluntatem frangere. et tuorum rectitudinem preceptorum in omnibus adimplere. &c.* Ita procedunt *Missae* tam communes quam propriae nullo temporum ordine observato usque ad fol. 14. p. 2. et *Missam In Natali Domini*, a qua deinceps

ordine Mensum per totum anni circulum decurrunt. Sanctorum hic minus cognitorum magnus est numerus. Ita invenias *Annam Virg. Nicanorem Levit. Magnetum Ep. Projectum et Amarium Martt. Marum Ep. Brigida Regin. Phyleam Ep. Altonem Conf. Emitherium et Celedonium Martt. Abam Virg. Plaudegarium Conf. &c. Habes et *Missam de Educatione Domini ex Aegypto, de Inuentione Jobannis Bapt. de Inventione Sanguinis Domini &c. Germanicae tamen Ecclesiae Missale* hoc olim deserviisse produnt multa SS. Germanicorum nomina. *Missis* adnectitur *Benedictio Palmerum, Ordo Feriae VI. in Parasceve, Series Orationum pro diversis necessitatibus. Missae Hebdomadariae, Benedictio ignis, Sequentia Paschalis, et Missa in Cimiteriis hanc Partem Codicis absolvunt.**

III. fol. 58. Absque omni titulo, ab elegantiore manu sequitur duabus columnis *Tonarius Bernonis Abb. Augiensis*, qui an. 1048. obiit. Edidit *Musicum* hoc Opusculum e *Bibl. Vatic. Cod. Palatino* collato cum *Admontensi inter Scriptores Eccl. de Musica Sacra. Cel-*

Wien, Österreichische Nationalbibliothek (ÖNB), Cod. 1836

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

2945

L I T U R G I C A .

2946

Celsiss. *Sanblasianus* Abbas *Mart. Gerbertus* T. II. 1784. p. 79. cum Praef. ad *Piligrinum Archiep. Colon. et Prooemio*, quae etiam e *Codd. Tegernseeni* et *Mellic.* partim jam a Cl. *Pezio* T. IV. *Thes. Anecd.* P. 2. col. 69. producta in *Cod. nostro* desiderantur, qui statim sic incipit: *Autenticus protus constat ex prima specie diapente et ex prima specie diatesseron superius. Nonanoeane. Primum querite regnum dei. Differentia Prima. Seculorum Amen. Lychanos ypaton. Antiph. Ecce nomen domini. Ant. Angelus domini nuntiavit. Ant. In tuo aduentu erue &c.* Dolendum fane, doctissimum Editorem hujus *Cod.* notitia destitutum eum cum suis conferre non potuisse; cum enim in *Edit. vix 6. folia* conficiat, in *Cod.* ob exemplorum adlatorum abundantiam *foliis 21.* definitur. Librarius porro membranae parcus cum ad oram inferiorem, tum ad alia spatia vacua adjecit 1°. *Leditio nem de Vinculis B. Petri*, cuius autorem ignoro; incipit vero: *In diebus illis misit herodes rex manus — Quemadmodum sanctus petrus in carcerem missus fit ligatus duabus catenis — audiuit per ordinem dilectio uestra &c. et finit: et remunerationem uitę perpetue consequamur. Per dominum nostrum &c. 2°. Narrationem fabulosam de Andrea Apost. Mattbaeum Apost. e carcere urbis Mermidona liberante et populos convertentem hujus initii: Igitur post illum dominice ascensionis nobilem gloriosumque triumphum &c. 3°.*

Catalogum *Pontificum Rom.* admodum mendosum usque ad *Benedictum*, qui VIII. est, cum ei addatur: *Qui ordinavit papenbergerense cenobium. IIII. Non. ian. 4°. Dicta S. Hieronymo subposita*, cur Hora canonicae cantentur. 5°demum Missam in O&F. *Sancti Jobannis Bapt. &c.*

IV. fol. 78. p. 2. *Incipit epistola bern (onis) augensis monasterii abbatis Ad arbionem (Aribonem) magontium archiepiscopum.* de eo qualiter aduentus domini hoc anno celebrari debeat. quando natalitas domini II. feria euenerit. Initium: *Summe dignitatis apice sublimato ariboni archiepiscopo per quem in area domini &c.* Indicata jam *Cod. DCCXCIII.* legitur impressa in *Pezii Thes. Anecd. T. IV. P. 2. col. 39.* In praesenti vero *Cod. ultima*, quae legi possunt, verba sunt: *Quociescumque natalis domini in II. feria uelut in presenti — —.* Ulteriora penitus extrita.

DCCCXIV.

Codex membraneus lat. Sec. 123 XIV. Folior. 181. f. per duas columnas charactere crasso scriptus, et auro coloribusque picturatus est Liber Missalis nulli, ut videtur, Ecclesiae peculiariter proprius. A Dominica prima Adventus decurrit usque ad Festum Corporis Christi; tum sequuntur Gloria, Credo, Offertorium, Canon, cui elegans Crucifixi Servatoris icon praemittitur, et in quo post Papam et Antifitem etiam